

PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS

PERTANYAAN : BUKAN LISAN
DARIPADA : TUAN KHOO POAY TIONG
[KOTA MELAKA]

SOALAN

Minta **MENTERI PENGAJIAN TINGGI** menyatakan :-

- a) apakah isu-isu utama yang sedang diberi perhatian oleh Jawatankuasa Kabinet Pemerkasaan TVET (JKKPTVET) setakat ini, termasuklah langkah-langkah jangka masa pendek dan panjang yang telah/akan diambil untuk menguatkan sistem TVET di Malaysia; dan
- b) senarai institusi-institusi TVET di negeri Melaka.

JAWAPAN

(a)

Tuan Yang di-Pertua,

Untuk makluman Ahli Yang Berhormat, antara isu-isu utama yang sedang diberi perhatian oleh Kerajaan dalam memperkasakan Pendidikan Teknikal Dan Latihan Vokasional (TVET) adalah memastikan kualiti program pengajian dicapai, dikekalkan dan dipertingkatkan, selaras dengan Falsafah Pendidikan Kebangsaan bagi memenuhi keperluan Kerangka Kelayakan Malaysia (MQF), kriteria standard akreditasi dan kurikulum program pengajian. Bagi memantapkan dan memperkasa pendidikan teknikal dan vokasional (TVET) di negara ini, Kementerian melalui Agensi Kelayakan Malaysia (MQA) telah membangun dan melaksanakan akreditasi TVET tunggal. Sistem baharu ini bertanggungjawab mengakreditasi program TVET yang ditawarkan oleh institusi TVET awam dan swasta berdasarkan MQF.

Melalui pelaksanaan akreditasi TVET tunggal ini, dapat membuka peluang pendidikan atau latihan terutamanya kepada pelajar kurang kecenderungan akademik melalui artikulasi yang lebih luas dan pendidikan yang lebih jelas. Ia juga dapat meningkatkan kemahiran pelajar melalui penglibatan aktif industri dan secara langsung dapat membuka laluan kerjaya yang lebih baik.

Selain itu, dengan pelaksanaan akreditasi TVET tunggal ini juga akan meningkatkan kerjasama dan hubungan terus dengan pembekal TVET melalui jaringan tenaga kerja berkemahiran tinggi di samping menggalakkan inovasi ke arah pembaharuan dalam peningkatan produktiviti.

Kerajaan akan memperluas laluan kerjaya graduan TVET untuk melanjutkan pengajian dan mendapatkan pekerjaan. Justeru, Rangkaian Universiti Teknikal Malaysia (MTUN) akan mula menawarkan kursus ijazah untuk pelatih yang telah menamatkan pengajian dari Kolej Vokasional pada tahun hadapan. Bermula September 2019, MTUN akan menawarkan program Sarjana Muda Teknologi yang memberi fokus

kepada kebolehan dan kemahiran pelajar dalam sesuatu kemahiran vokasional serta turut menekankan aspek keusahawanan.

Ini memberi fleksibiliti kepada pelajar untuk memilih bidang pekerjaan atau menjadi usahawan setelah tamat pengajian.

b) Senarai Institusi TVET yang terletak di Melaka adalah seperti berikut:

BIL.	ILKA
1	Politeknik Melaka
2	Politeknik Merlimau
3	Kolej Komuniti Jasin
4	Kolej Komuniti Selandar
5	Kolej Komuniti Masjid Tanah
6	Kolej Komuniti Bukit Beruang
7	Kolej Komuniti Kota Melaka
8	Kolej Komuniti Tangga Batu
9	Pusat Latihan Teknologi Tinggi (ADTEC) Melaka
10	Institut Latihan Perindustrian Bukit Katil
11	Institut Latihan Perindustrian Selandar
12	IKTBN Alor Gajah
13	Institut Teknologi Unggas
14	GIATMARA Alor Gajah
15	GIATMARA Bukit Katil
16	GIATMARA Jasin
17	GIATMARA Kota Melaka
18	GIATMARA Masjid Tanah
19	GIATMARA Simpang Ampat
20	GIATMARA Tangga Batu
21	Kolej Vokasional Melaka Tengah
22	Kolej Vokasional Datuk Seri Mohd.Zin
23	Kolej Vokasional Datuk Seri Abu Zahar Isnin
24	Institut Kemahiran Mara Jasin
25	Kolej Kemahiran Tinggi Mara Masjid Tanah

Sekian, terima kasih.